

Ngoenzneix, boux “canghcu” ranz Dahliq miz saeh, heuh de roengzban couh swinh loh cawx byaek baema. Dahliq dwg boux dinfwngz vaiq ndeu, guh maz saeh cungj haengj guh ndei giva gonq, baez guh couh aeu baenz saeh. Ndigah, vihliux mienx-ndaej ra dieg cuengq ci, de couh haici heux gvaq aenhaw, coh aen bakloh cibcih henz ranz hai bae.

Dieg neix, caeuq aen yozyau hung doxgaenh, youh youq henz geij aen siujgih hung, ngoenznaengz cungj miz cien fanh vunz daj gizneix baebae dauqdauq. Ndigah, gizneix seng’ eiq gig ndei guh. Gyoengq canghbueng caeuq gyoengqvunz lajmbanj ndaem ndaej byaek mak gwn mbouj liux, cungj haengj rap daengz gizneix dauj gai. Daegbied dwg gij byaek mak gyoengq beixnuengx lajmbanj haengj dwk haexgaeq nyohmou, cungj maj ndaej unqnumnum, ronghsagsag, aeu dauj cawj gwn, gig miz feihdauh. Dahliq hix gig haengj caeuq gyoengqde cawx huq, bengz di hix singam.

Ci de ngamq hai gaenh bakloh seiz, Dahliq couh deng rap byaek heuswtswt gizgyae ciuyinx gvaqbae lo. Rap byaek haenx miz byaekgat caeuq byaekhau, song cungj neix cungj dwg de cei q haengj gwn bw. Gij byaek haenx miz di daegbied, baez yawj couh rox dwg byaek lajmbanj ndeigwn.

Boux dancawj gyae’ gyae raen Dahliq songda yawj rap byaek de da mbouj yaep, couh rox yaek miz seng-eiq dauj lo. De riunyum coh Dahliq vadfwngz mbouj dingz, eiqsei dwg heuh Dahliq haici gvaq naj dan de bae dingz ci cawx byaek.

Dahliq raen de baenz simndat, dingz ci roengz ci le, couh coh rap byaek haenx byaij bae. Gaenh yawj,

· sawcuenh dinj ·

Gamjdoengh



□ Luz Vanjinh / 陆婉珍

gij byaek de engq maez vunz, gij byaek lumj gwn raemx imq nei, baez bungq couh yaek rad raemx okdauj, ga de caiq hix sij mbouj ndaej yamq deuz lo.

“Boh’ au, gij byaek neix baenz-lawz gai ne?” Dahliq riunyum cam naeuz.

“A, A, A……” De doq ok geij sing, doq iet 3 aen lwgfwngz okdauj, hix riunyum dwk, yienghsienq gig sienh. De gingqyienz dwg boux nukngoemx he! Dahliq rox le: Gij byaek neix gaem he 3 maenz.

Sim Dahliq baez anj, seizneix cij sijsaeq cimyawj bouxsai neix. De nienzgeij daihgaiq miz 60 bi baedauq nei. Aenvih ngoenznaengz cungj dajndaem, ndit dak fwn rwed, naj de caeuq dinfwngz de cungj deng dak ndaej youh ndaem youh nyaeuq. Yienghsienq de caeuq vunz doengzban doxbeij, damlaux haujai bi. De boux vunzlaux youh nukngoemx he, mboujdan roengzrengz gaenx guh dajndaem, vanzlij rap dauj gai dem. Hwnj haw gai byaek doiq haujai vunz dauj gangj, dwg saeh yungzheih, hoeng doiq boux nukngoemx dauj

gangj, caen dwg…… Dahliq daj ndawsim boiqfug de dahraix!

Dahliq gungj hwet genj hwnj gaem byaekgat caeuq gaem byaek-hau, couh haw de cang daeh, youh daj ndaw daeh mbon ok mbaw 10 maenz ngaenz hawj de.

De mbouj gaenj coux aeu ngaenz Dahliq, dauqfanj gaenjgip dawz daeh byaek cuengq hwnj ci Dahliq bae. Youh cienqndang bae dan cangh-buenq henz de, daj daeh lingh mbon ok 10 maenz ngaenz bae caeuq dancawj vuenh cienzlingz. Dahliq baez daih’ it raen boux guh seng’ ei q baenzneix simsoh, raen cienz mbouj gaenj cieq. Gij hengzdoengh de hawj sim Dahliq miz di saenqdoengh lo.

“Mwngz dwg yaek aeu cienz hawj gou lwi?” Boux dancawj haenx caeuq de gangjriu naeuz. De hix “he he” gaen riu geij sing, ngauzngauz gyaeuq, youh iet fwngz dawz 10 maenz hawj doiqfueng. De daj biujcingz gyoengqvunz yawj rox, boux dancawj neix dwg caeuq de gangjriu hane, de caeux couh sibgveng lo.

“Mbwn o, caezgya cungj dwg gai byaek, dou dauj buenq ngoenz lo, lij

caengz gai ndaej saek gaem, de boux nukngoemx he, ngamq dauj daengz, dauq gai ndaej vaiqvvetvet bw!” Lingh boux canghbueng henz dan youh caeuq gyoengqvunz gangjriu naeuz.

De vuenh ndaej cienz le, couh sikhaek buet daengz baihnaj Dahliq, cieq aeu 10 maenz ngaenz le, youh doq bouj 5 maenz ngaenz hawj de.

Dahliq ngauzngauz gyaeuq, naeuz de bouj loek cienz lo, coh de iet 4 lwgfwngz, swinh fwngz dawz 5 maenz haenx ndenq dauq hawj de.

De dauqfanj riuha hwnjdauj, mbouj cieq ngaenz Dahliq ndenq, cei song gaem byaek, iet fajfwngz okdauj, eiqsei naeuz: Cawx song gaem, cij aeu 5 maenz ngaenz.

Sim Dahliq gig raeuq, gamj-doengh dangqmaz. Bingzseiz de caeuq gij canghbueng cawx doxgaiq, lai raen sou lai, noix miz aeu noix, saekseiz vanzlij deng gwn dacaengh dem. Boh-au neix caen dwg ndei!

Dahliq yo ndei ngaenz, docih gvaq boux dancawj neix le, couh cienqndang bae gai doiqmienh dan nohmou cawx di ndokmou.

Caj Dahliq dauq daengz baihneix yaek haici dauq seiz, sawqmwh yawjraen boh’ au haenx ndwn youq baihgvaiz henz ci swhegeij. De caeuq Dahliq riu le riu, cei diuz yaekseiz gwnz ci Dahliq. Laxlawz Dahliq lumz dawz yaekseiz ok, de cingq bang Dahliq hen ci ne!

Sawqmwh, Dahliq raemxda rim gvaengz, de youh deng Boux nukngoemx swnzsienh, lauxsaed, simsoh neix saenqdoengh lo! De song da moengzloengz yawj aen ngaenz boh’ au miz di saemxsax byaij gvaq dan byaek bae, ndawsim youh foekfan hwnjdauj……

Gamjliengz

凉洞


□ Banh Cuhlenz / 班珠莲

Aen mbanjranz gou dauqcawq miz bya hung. Gyoengq bya goengq nem goengq, ndaw bya miz haujai gamj, gij gamj hung iq mbouj doxdoengz. Liz aen mbanj gou mbouj gyae miz goengq bya ndeu heuhguh Byaliengz, Byaliengz ndawde miz aen gamj ndeu daegbied hung, heuhguh Gamjliengz, ndawde miz baenz 3 caengz hung.

Doenghbaez gou doeg siujyoz seiz, aenvih seizhaenx gungzhoh lai lo, mbouj ndaej lumj seizneix miz cienz bae baihrog lijyouz, moix aen yozgiz lauxsae couh daiq dou bae youz Gamjliengz mbat ndeu. Gou geiq ndaej haeu gamj seiz dwg daj aen congh ndeu haeu bae, ok gamj seiz dwg daj lingh aen congh okdauj. Youz gamj aeu song diemj lai cung cij ndaej youz sat. Lauxsae daiq dou

youz caengz daih’ it, caengz daih-geih, caengz daihsam yungyiemy lai, lauxsae coengzlaiz mbouj daiq dou bae youz gvaq. Ndaw gamj vwnhdu baujmaenh youq 20 doh baedauq, mboujguen seizlawz haeu gamj cungj ndangsoeng. Ndaw gamj gij rinraemx-ndik geizheih dangqmaz, miz lumj doenghduz, miz lumj doenghgo, miz lumj bouxvunz, gij ndaek rin aeu soujdendungz bae ciuq couh mig-myanmyan, ndei yawj raixcaix.

Gamjliengz hawj vunz ndaejgeiq mbouj dwg aenvih gij hung roxnaeuz gij rin geizheih, dwg aen gojriuz ndaw gamj. Dingq vunzlaux gangj gaxgonq miz goeng caizcawj ndeu miz gimngaenz daixbaj, aeu gang aeu sieng dauj coux, daengx ranz rim caez. Goeng caizcawj neix lau vunz dauj caeg gij gimngaenz de, couh baij geij



Rumz ci najhuz luenh ngaenz bya.

Cinz Ginh ingi

boux vunz youq gyanghwnz dawz gij gimngaenz ndaw ranz yo haeu Gamjliengz bae. Daengz bang vunz yo gij gimngaenz sat, goeng caizcawj couh gaj bang vunz neix bae, yienghneix couh mbouj miz vunz rox gij gimngaenz de yo youq gizlawz. Aen cienzgangj neix couh daihdaih cienz roengzdaeuq. Yinx ndaej gyoengqvunz

nanz mbouj nanz couh haeu gamj bae ra gim, bouxboux cungj siengj: Danghnaeuz miz ngoenz ndeu ra ndaej raen gij gim goeng caizcawj yo couh fatcaiz lo. Hoeng, daengz seizneix lij mbouj miz bouxlawz ra ndaej gvaq. Gou nyinhnaeuz, sai rengz bae ra gim cienzgangj, mboujyawx bae gaenx guh, baenzneix ndaej ngaenz lij vaiqdi.